



Omeragić u Debrecenu bio 32. na 1.500 m

Tarik Omeragić lovi Ol

Seniorski reprezentativci BiH u brzom klizanju (Short Track) Tarik Omeragić i Edin Branković, u konkurenciji 83 najbolja brzoklizača svijeta, nastupili su od 18. do 21. novembra na Svjetskom kupu u Debrecenu (Mađarska), koji je bio treći od četiri kvalifikaciona za odlazak na Zimske olimpijske igre 2022.

U posljednje vrijeme najbolji bh. brzoklizač Tarik Omeragić u Debrecenu je imao na 1.500 metara odličan nastup. U toj distanci ušao je u četvrtfinale, gdje je isklizao izvanredno vrijeme 2:19,014 i ponovo popravio lični rekord. Zbog izuzetno jake grupe u koju je bio svrstan, nije mogao ući u polufinale. Na kraju je na 1.500 metara zauzeo izvanredno 32. mjesto, što mu daje realnu šansu da u Nizozemskoj, ako bude ponovio ovako dobar nastup, izbori plasman na Olimpijske igre 2022. Bitno je istaći da samo u ovoj disciplini (1.500 m) na ZOI nastupa 36 prvoplasiranih brzoklizača.

U drugim trkama Omeragić je

na 1.000 metara bio 57. sa oborenim ličnim rekordom, a na 500 m zauzeo je 61. mjesto. Edin Branković je imao skromniji nastup. Na 1.500 metara zauzeo je 71. mjesto, a na 1.000 bio je 60, dok je na 500 m zauzeo 75. mjesto. Sljedeći nastup bh. reprezentativaca je u Dodrehtu (Nizozemska) od 25. do 28. novembra, gdje se završava ciklus nastupa na četiri Svjetska kupa i ujedno i kvalifikacije za odlazak na Olimpijske igre 2022.

BH. BRZOKLIZAČ S REALNIM ŠANSAMA DA IZBORI NASTUP U PEKINGU

"Na ZOI otići će 32 najbolje plasirana brzoklizača na 500 i 1.000 metara, dok će to uraditi i 36 najboljih na 1.500 metara. Nadamo se da će u ovoj disciplini svoje mjesto naći i Tarik Omeragić", saopšteno je iz Saveza klizačkih sportova BiH.

E.S.